

Na osnovu člana 16. stav 3. Zakona o vladi Zeničko-dobojskog kantona - Prečišćeni tekst ("Službene novine Zeničko-dobojskog kantona, broj: 7/10), a u vezi sa članom 2. stav (1) Zakona o preuzimanju Zakona o državnoj službi u Federaciji BiH („Službene novine Zeničko-dobojskog kantona“, broj: 3/12) članom 21. stav 1. i 2., te člana 32. stav 3. Zakona o državnoj službi u Federaciji Bosne i Hercegovine ("Službene novine FBiH", broj: 29/03, 23/04, 39/04, 54/04, 67/05, 8/06 i 4/12), tačke II. Rješenja o postavljenju sekretara Vlade u Stručnoj službi Vlade Zeničko-dobojskog kantona, broj: 02-30-4700/20 od 24.03.2020. godine, Rješenja o preuzimanju dužnosti, broj: 02-30-5341/20 od 08.04.2020. godine i Rješenja o ocjeni probnog rada, broj: 02-30-16545-1/20 od 09.10.2020. godine, nakon isteka perioda probnog rada, na prijedlog premijera Zeničko-dobojskog kantona, Vlada Zeničko-dobojskog kantona, na 78. sjednici održanoj dana 12.08.2020. godine, d o n o s i

## **RJEŠENJE**

### **o potvrđivanju postavljenja državnog službenika na radno mjesto "sekretar Vlade" u Stručnoj službi Vlade Zeničko-dobojskog kantona**

#### **Član 1.**

Potvrđuje se Rješenje o ocjeni probnog rada, broj: 02-30-16545-1/20 od 09.10.2020. godine, doneseno od strane premijera Zeničko-dobojskog kantona.

#### **Član 2.**

Nakon uspješno okončanog perioda probnog rada i dobivanja zadovoljavajuće ocjene, **potvrđuje se postavljenje** državnog službenika **Nedžada Mulagića**, na radno mjesto "sekretar Vlade", u Stručnoj službi Vlade Zeničko-dobojskog kantona.

#### **Član 3.**

Rješenje stupa na snagu sa danom donošenja.

## **Obrazloženje**

Nakon provedenog postupka po raspisanom Javnog konkursa za popunu upražnjenog radnog mjesta državnog službenika "sekretar Vlade" na neodređeno vrijeme u Stručnoj službi Vlade Zeničko-dobojskog kantona, Vlada Zeničko-dobojskog kantona je donijela Rješenje o postavljenju sekretara Vlade u Stručnoj službi Vlade Zeničko-dobojskog kantona, broj: 02-30-4700/20 od 24.03.2020. godine i Rješenje o preuzimanju dužnosti, broj: 02-30-5341/20 od 08.04.2020. godine.

U tački II. dispozitiva navedenog Rješenja određeno je da imenovani podliježe obavezi probnog rada u trajanju od šest mjeseci.

Nakon konačnosti navedenih rješenja, imenovani je počeo sa radom dana 09.04.2020. godine.

Član 21. stav 1. i 2. Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/05, 67/05, 8/06 i 4/12) propisuje da o pravima i dužnostima državnih službenika iz radnog odnosa odlučuje rukovodilac organa državne službe u formi rješenja.

Članom 32. stav 3. Zakona, propisano je ukoliko je ocjena rada „zadovoljavajuća“ rukovodilac organa državne službe donosi rješenje kojim potvrđuje postavljanje državnog službenika na radno mjesto.

Nadgledajući rad državnog službenika, uzimajući u obzir prirodu poslova, radne uslove, stepen iskustva državnog službenika, stručno znanje, savjesnost, odgovornost i radnu disciplinu prema postavljenim poslovima i zadacima, kao i postignute rezultate u obavljanju poslova predviđenih iz opisa radnog mjesta na koje je imenovani državni službenik postavljen, premijer Zeničko-dobojskog kantona je donio Rješenje o ocjeni probnog rada, broj: 02-30-16545-1/20 od 09.10.2020. godine, sa ocjenom „zadovoljavajućom“.

U obrazloženju Rješenja o ovjeni probnog rada, konstatovano je da je Nedžad Mulagić u periodu probnog rada zadovoljavajuće obavljao poslove i zadatke iz opisa poslova njegovog radnog mjesta, da je na probnom radu pokazao zadovoljavajuće stručno znanje i sposobnost, te da se istom daje „zadovoljavajuća“ ocjena probnog rada za period od 09.04.2020. godine do 09.10.2020. godine.

Imajući u vidu navedeno, riješeno je kao u dispozitivu ovog rješenja.

**Uputa o pravnom lijeku:**

Protiv ovog rješenja može se izjaviti žalba Odboru državne službe za žalbe u roku od 15 dana od dana prijema rješenja.

Broj: 02-\_\_\_\_\_ /20  
Datum, 12.10.2020. godine  
Zenica

**PREMIJER**

***Mirza Ganić***

DOSTAVLJENO:

1x Imenovani,  
1x Ministarstvo finansija-COIP,  
1x Oglasna tabla Stručne službe Vlade,  
1x Personalni dosije imenovanog,  
1x Agencija za državnu službu FBiH,  
1x a/a.